

# حقوقی بلیکس مجموعہ سی

صاحب و سر محمد ری: پارس حقوق فاکولتہ ہندی دوقوری

آروقات میلادی غارفرانقو

ہیئت تحریرہ

موسیو آئیل رستہ: پارس حقوق فاکولتہ سی  
مدرسہ لرنڈن

موسیو شاو غرہ: پارس حقوق فاکولتہ سی  
فخری مدرسہ

موسیو ا. سارم: حقوق دول مجموعہ سی  
ہیئت تحریرہ سندن

باہر بلک: احضار قوانین قومیسونی اعضا سندن  
محمد طلعت بلک: آروقات

موسیو آ. پلیری: پارس حقوق فاکولتہ سی  
دوقوری

نواد خلیوسی بلک: محکمہ تمیز اعضا سندن

صبری بلک: عدلیہ و کالتی حقوق ایشلری مدیری

مصطفی رشید بلک: استانبول حقوق فاکولتہ سی  
مدرسہ لرنڈن

احمد رفیع بلک: استانبول اجرا رئیس

احمد مصمم بلک: استانبول حقوق فاکولتہ سی  
مدرسہ لرنڈن

موسیو شارل قرور: استانبول حقوق فاکولتہ سی  
مدرسہ لرنڈن

آدرہس: غلطہ دہ بخیار خان آروقات میلادی غارفرانقو بکک بازیخانہ سی

تلقون: بک اوغل ۳۰۰۹

بہر نسخہ نیک بدلی ۳۵ غروشدر

بر سنہ ک آونمانی پوستہ اجرتیلہ برابر ۴۰۰ غروشدر

تور کیا خارجی ایچون ۵۰۰ غروشدر

کاغذ جلیق و مطبعہ جلیق آونیم لشرکتی — استانبول

۱۹۲۸

حائز اولدینی کبی دوچار اولدینی ضررک دخی تضمینی طلب وکافه حقوقی محافظه ایچون متجاوز و غاصب و مداخل علیه دعوی اقامه ایده بیلیر . موضوع بحث و مناقشه اولان تضمین منفعت خصوصنه کلندکده فصل مذکورک ۹۰۸ نجی ماده سی موجبجه بر غیر منقوله سوء نیتله ذی الید اولان کیمسه او غیر منقولی صاحبنه احادهیه مجبور اولمغله برابر حقسز آلیقویمش اولماسندن متولد ضررلری والده ایسدیکی ویا آلدیه ایتک قابل اولوبده اهل ایلدیکی ثمرلری وحادهده اولدینی کبی بالطبع منفعتی تضمین ایله مکلف طوتیلور . بناء علیه احکام جدیده موجبجه بر غیر منقولک تمامه ویا بر قسمنه ویا خود بر جزء شایعنه متصرف مشترک ویا شخص اجنبی صفتیه مداخله ایله آنی اشغال و آندن اسکان، اقامت، زراعت والحاصل هر هانکی بر شکلده اولورسه اولسون استیفای منفعت صورتیه انتفاع ایدن شخص آلدیه ایسدیکی منافعی تضمین ایله مکلف طوتیلمش واشبو قاعده قانونیه لازمه معدلت و نفس الامر موافق بولمشدر .

آووقات

نمیتوفلی زمبولیرسی

اسویچره ده

عجز سررید تعقیبات

اجرا ریئی :

احمد رفیق

اسویچره اجرا حکملری تدقیقلرندن :

— 4 —

عجز سررید تعقیبات

آلاجقیلیر ایچون الک مهم تأمینات بورجلینک ثروت حاضره سی، قدرت مساعیسی در . منقول و غیر منقول ماللری، قابل تقویم بالعموم حقلری شامل اولان بورجلینک ثروتندن جبراً استیفای حق عجز صورتیه اولور . بورجلینک قدرت مساعیسی بونلرک آتیا حصولک ضمانیدر . بالعموم متمدن دولتر قانونلری عجز طریقیه استیفای حق خصوصنده برلشیر ، بلکه شکلدرده تحالفدر کوروولور . بورجلینک ذاتندن استیفای حق نظریه سی روما حقوقه عائددر . اوراده کوریلن شدت اعتباریه بونی عصر حاضر حقوق مفکوره سی

شبهه سز قبول ایتمز . شو قدر که بوشدت اعتباریله ارباب حقوقک موجب تعریض و تنقیدی اولان و حالاً ماضینک شدتندن تجرید ایدلمش بولنان حبس اصولی بورجلینک قدرت مساعیسی اظهار ایچون بر مؤیده اوله رق تلقی و قبول اکثر آئزوملیدر . آلمان ، سویچره ، هولاندا قانونلرنده مختلف شرائطه معلق اوله رق موجود حبس مؤیده سنی بعضیلرنده حقوقی و بعضیلرنده جزائی اوله رق کوریورز .

فرانسمز قانونی ایسه یالکیز دولته عائد مصارف محاکمه حقنده بواساسی ابقا ایلشدیر . سویچره قانونی حبسی بر قسم اجرائی افعال حقنده جزائی بر مؤیده اوله رق قبول ایتسمه رغماً بر طریق اجرائی سیستمی تلقی ایتمه مشدر . شو حالده سویچره قانوننک افلاس ، حجز ، رهنگ صاتیلمسی شکننده تقسیم اولنان اصول اجرایی بالتیجه حجز اموالدر . حجز صورتیله تعقیبات حکملری افلاس ورهنگ صاتیلمسینده بعض استثنالار خارچنده جاریدر .

اوچنجی بابی تشکیل ایدن قاعده لر فده دال قانوننک اک مهم حکملرندندر . مؤلف موسیو ( آ . بروسلاین ) اجرا قانونی شرحنده بوباده کی تعقیباتک باشلی باشنه خصوصی بر کیفیت عرض ایتدیکنی و حکملرک اسکی روما حقوقیله آاز ، چوق اتصالی بولوندیغنی سویله یور .

مؤلف مومی الهک و ردیکی معلوماتدن آکلادیغمزه کوره اسکی سویچره حقوقی ، حجز ایله آلاچنک تأدییه سینه قدر آلاچقلییه محجوزده بر حق ملکیت و بریورمش . اکثر آابوق شرطه معلق اولمیان بر ملکیت تلقی ایدیلوردی . محجوز مال ، ابتداء حجز ایله قسماً و بورجلی بورجی آاز بر زمانده تسویه ایتدیکی تقدیرده تماماً آلاچقلییه دور اولیوردی .

بواصول شمعییه قدر آلپ قانونلرنده محافظه ایدلمشدر . حتی شمیدیکی حالده بیله ایشک باشلانغچنده همان همان عینی نظریه نك تأثیرلری آچیقدر . بونک خصوصی و یا عمومی رهنه طوغری تکاملنی تعقیب قابلدیر . محجوز ماللرک حاصلاتی حقنده بر امتیاز شکننده کوره بیلیرز . مؤلف مومی ایله حجزک مختلف قانونلر حقوق سابقه سنده موجود تأثیرلرینی تدقیق ایتدکن صوکره فده دال اجرا قانوننک آلاچقلییه هیچ برهن حتی و شرطه معلق

ملکیت بخش ایتدیکنی بیان و مطالعه سنی مثبت ماده لره اشارت ایتمش و حجزی «آلاجقلینک آلاجقنی تأمین مقصدیه بورجلینک بعض ماللرینه ساده جه وضع ید ایتمکدن عبارتدر» دییه تعریف ایشدر. حجز بورجلینک ملکیت حقنی دکل بلکه اموالدن استیفا حقنی اخلاص ایلور. افلاس بورجلینک ماملکنه نه تأثیر وجوده کتیرسه حجزده محجوز ماللر اوزرنده عینی تأثیری یاپار. مؤلفک تلخیصاً عرض ایتدیکم مطالعه سنی حجز خصوصنده اسویچره قانوننک اساس پرنسیپلرینی بزه کوسترر. ماده لره مطالعه سنی صره سنده قانونمزله آریجه اوفق مقایسه لردهده بولوندم.

حجز، آلاجقلینک طلبنه وابسته در. تعقیبات طلبنک نتیجه سنی انحق تأدیه امرنامه سنک تبلیغندن عبارتدر. اصولنه توفیقاً یاپیلاجق تبلیغاتده معین یکریمی کون مدتک نصفی بیان اعتراضه و نصف دیگر ی ایفای وجیهه مخصوص اولوب اعلامه و عینی قوتی حائز و نائقه قارش ی اعتراض صلح، ابرا و تسلیات و صلاحیت خصوصلرینه مقصور اوله رق در حال حل اولور. اعلام و نائقه مستند اولمیان اعتراضلر اجرانک تأخیرینی و آلاجقلینک محکمه یه مراجعت ایتسی نتیجه سنی حصوله کتیرر. اعتراضک ردی و یا معین زمانده بورجلینک سکوتی و ایکنجی اون کون ظرفنده بالرضا وجیهنک یاپیلامامسی آلاجقلییه حجز طلبی حقنی ویرر. موسیو (آ. بروستلین) ک شرحی ترجمه سندن اوکرندیکمزه کوره فده رال قانوننک موسیو (اوبرر) دن آلتان اتحاد مجلسنک پروژه سه کوره آلاجقلینک حجز طلبنده بولونمسه لزوم کوروله مشدی. اجرا مأمورینه صایتش ایشلرینک و کوننک تثبیت و تعییننده بویوک بر صلاحیت ویرلمشدی. بو سیستم موسیو (هوفان) ک تنقیدی اوزرینه دوچار تعدیل اولدی. موسیو الیه بوبابده کی مطلق صلاحیتلر سوء استعماله قبو آچاقنی، کیفه کوره حرکتی انتاج ایده جکنی تنقیدانه اساس اتخاذ ایتمشدی.

تعدیلاتله مأمورک صلاحیتی مزایده ایچون فائده لی تدبیرلر اتخاذی شکلنده تقید ایدلدی و صایتش آلاجقلینک طلبنه بر اقلیدلی.

تبلیغ تاریخندن اعتباراً بر سه ظرفنده حجز طلب اولونمازسه بوحق ساقط اولور.  
(ماده: 88)

یکیدن بوحقه صاحب اولقی ایچون تأدیه امرنامه سنک تجدیدی طبعیدر. قانونمزه کی آلتی آی مدتی بر سنه ابلاغ صورتیله عینی حکمی کورمکده یز.

حجز طلبی اوزرینه اجرا دائرہ سی دوغریبدن دوغری به وجز اولنه جق مالار بشقه  
بر محله ایسه اورا اجرایی واسطه سیله جزی یاپار. طلب تاریخندن اعتباراً اوچ کون  
ظرفند. جزك تطبیق مجبوریدر (ماده: 89)

جزك در حال تطبیقہ توسل لزوم و مجبوریتنه رغماً قانونمردہ بویله بر تقید یوقدر.  
اسویچره نك جغرافی وضعیتی و نقلی و سائینی نظره آلہرق جز ایچون اعظمی اوچ  
کون مدت تعیین اتمش اولان واضع قانونك بو معامله حقنندہ قانونك (95, 63, 56)  
و 99) نجی ماده لرینك نظره آلمشی قصد اتمشدر. بوندره کوره جز احتیاطی و یا  
مستعجل احتیاطی تدبیرلر مستثنا اولہرق جز ساعت سکز ایله اون طقوز آره سنده  
تطبیق اولونور. تعطیل کونلرنده یاپیلاماز و بو کونلرده مدت تمیز، مدت ختامی بویله  
بر کونه تصادف ایدرسه بونك زوالندن اوچ کون صوکره منقضی اولور. اول امرده  
منقول مالار آلاجه کافی کلمزه غیر منقوللر جز ایدیلیر. اوچنجی شخصلرده جز نامه  
مد کور اوچ کون ظرفندہ یاپیلیر.

جزك نه زمان یاپیله جزك مجزیدن اول بورجلی به خبردار ایدلسی حقنندہ قانونمردہ  
صراحت یوقدر. بالعکس بورجلیك مالارینی قاجیرمغه میدان ویرمهك ایچون بو بابده  
مطلق بر کتومت لزومی کورولمشدر. بو جهت قانونك احکام عمومی سندن استنباطاً  
عمومی بر اجتهاد شکلندہ تجلی ایتدیکی کبی بورجلیك غایبندہ جزك جوازی قانوندہ  
تصریح ایدلشد.

اسویچره قانونك (90) نجی ماده سی ایسه بو پرنسیپك تماماً مخالفی اولارق، جز  
یاپیله جق کوندن الاز بر کون اول جز یاپیله جزك بورجلی به تبلیغ ایدلسی آمردر.  
(34) نجی ماده ده ذکر ایدلدیکی اوزره بو تبلیغات تحریری اولور. بورجلی نامه  
کوندریله جك تعهدلی مکتوبلده ممکندر. سائر اوراق اجراییه تبلیغاتده جاری حکملره  
توفیق معامله ایدیلیر. بورجلی به یاپیله جق تبلیغاتده (91) نجی ماده دن بحث ایدلمك لازمدر.  
بو ماده شو حکمی افاده ایدر:

(حقوقی جزا مؤیدہ سیله بورجلی محل وزمان مجزده بالذات حاضر بولونمغه و یا  
مثانی بولوندرمغه، ذی الید اولسون اولماسون بوتون مالارینی کوسترمکه مجبوردر).

(اجرا مأمورینک طلبی اوزرینه بورجلینک اوطه لری، مویله لری آچمی دخی مجبوری جله سندنذر. اقتضا ایدرسه اجرا مأموری قوه مسلحه استعمال ایده بیلر).

ماده ده موضوع بحث اولان مؤیدات جزائیه نك وضعی قانئونلك صلاحیتلرینه بر اقلمشدر. ماده (23). نه کیم نوشانل جزا قانئونك (439) نجی ماده سنده ذکر ایدلدیکی اوزره مذکور (131) نجی ماده یه مخالف حرکت ایدن بورجلی ایکی آیه قدر حبس مدتی ایله دوچار جزا اولور. بو حکمی مایس نسخه سنده کی مقاله ده کورمشدک صحیفه (580) قانئونلر جزائی مؤیده لرده حبسی مدتی ده تعیین ایدرلر. اسویچرده معاملات اجرائیه دن منبعث حبس ایشته بوجزائی مؤیده لردن عبارتدر.

حجز بورجلینک تصرفی منع ایدر. اجرا مأمورندن مساعدده استحصال اتمکسزن ممنوعیت خلافه حرکت ایدن بورجلیلر حقده قانئونلر کذالك جزائی مؤیده لر قویابیلرلر. بورجلی ممنوعیت خلافه حرکت ایدرسه اوچنجی شخصلرک حققری محفوظ قالمق شرطیله آلاچقیلرک حقوقلرینی اخلاال ایتدیکی درجه ده بو قیل تصرفلر باطلدر. مأمور بو حق حجز ائناسنده بورجلی یه اخطار ایلر.

اجرا مأمورینک بو بایده کی مساعدده سی بالطبع مطلق اولاما ز. آلاچقیلنک حقوقی تأمین شرطیله در. اسویچره محکمه تمیز اجرا دائره سی رئیس دو قنور (یه کدر) ک محترم مسلکد اشم حقوق ایشلری مدیری صبری بک افندینک همتلرله استفاده ایلدیکم آلمانجه شرحنده یازلدیغی اوزره آتیده کی سیلرله بناء تصرفه جواز ویرلشدر:

- 1 — صائش بدلنک آلاجه کافی کلسی، 2 — محجوز کوسه لردن آیق قابی اعمالی،
- 3 — محجوز یاغلرله بویا یاسلمسی، 4 — قصابلرک حیوانلری کسهرک صاتلری، 5 —
- آلاچقیلی تطمین شرطیله محجوز غیر منقولده رهن تأسیسی، 6 — حین فراغده بورج ویرلک شرطیله فراغه مساعدده ایدلمسی.

دو قنور (یه کدر) ک اشارت ایتدیکی خصوصات بزده اجرا رئیس لرینک اجتهدلرله جاریدر.

اسویچره قانوننده حجز اموال خصوصنده تقیدی بر قاعده مطالعه یه شایاندر. بزده آلاچقیلی بورجلینک منقول و غیر منقول ماللرینک و آلاچقیلرینک جزنده مطلق صلاحیته



مالکدر. شو قدر که مختلف ماللرک حجزنده اجرا مأموری نقد، قیمتلی اشیایی دیگر ماللره ترجیح ایدر و بورجلینک بو اساسه معطوف اعتراضلرینی نظره آلیر.

اسویچره قانونی (95) نجی مادهسیله شو قاعده و ترتیبی کو سترمشدر:

- 1 — اول امرده آلاچقیلر داخل اولدینی حالده منقول ماللر حجز اولونور.
- 2 — پیاسهده تداول قیمتلی بولنان اشیای تقدیم ایدیلیر.
- 3 — بورجلینک قولایلقه صرف نظر ایدیهیلهجکی اشیای کندیسنه لزومی اولدینی بیان ایدیهجکی اشیای اول حجز اولونور.
- 4 — بورجه کافی منقول مال بولونمادیقی آکلاشلما دقجه ویا آلاچقلی ایله بورجلینک موافقتلری حاصل اولما دقجه غیر منقول حجز ایدیهیله مز.
- 5 — احتیاطاً محجوز ماللر، بورجلینک اوچنجی شخصه عایدیتندن بحث ایتدیکی شیلر اک صوکره حجز ایدیلیر.
- 6 — حیوانلرینکیمی حجز اولنان بورجلی اومقدارده حیوانلرینکده حجزینی طلب ایدیهیلیر.
- 7 — حجز مأموری آلاچقلی ایله بورجلینک منفعتلرینی ممکن اولدینی قدر تألیفه مجبوردر.

مختلف ماللر واریکن بوترتیبه رعایت شهه سز پک موافقدر. فقط (4) نجی فقره نك تطبیقی اکثرأ مشکلاتی موجب اولور. آلاچقلییه بورجلینک منقول مالی آرامق کلفتی تحمیل ایدر. بوتحریات پک قولای اولماز. بونکله کچهجک زمان انسانده غیر منقول الدن چیقارایلایلیر. کرچه آتیا کوره جکمز وجهله هیلهلی تصرفلرک ابطالی طریقله فراغک حکمسزلکنی تأمین قابلدیر. فقط زمان و مساعی ایله ممکن الحصول اولدیغندن مذکور دوردنجی فقره محتاج تأملدر.

دوقتور (یه کهر) آلمانجه شرحنده (6) نجی فقره نك مقصد وضعی، حجز ایدیلن یملرک حیوانلره یدیرلمسینی تأمیندر، محجوز اوت و حبوبات حیوانلره ویریلیر، بوصولته حیوانلرک صاییشنده یملرک بدلیده استیفا ایدلمش اولور، یوقسه تارلاده کی محصولات دکادر، طرزنده ایضاح ایتمشدر.

بورجلی محجوز می حیوانلره ویررسه کندیسنه مسئولیت توجه ایتمز .

زده حیوانلارک اعاشه سنه مخصوص یملار اساساً قابل حجز دکلدر .

حجزک آلاجه کافی اشیایه قصری زده ده عمومی بر قاعده در . رأس المال ، فائض و مصرف آلاجه تشکیل ایدر . حجز مأموری اموال محجوزه نك قیمتنی تقدیر ایدر . اهل خبره نك معلوماتنه مراجعت ایدر بیلیر . فده رال قانونی بو حکملری ( 97 ) نجی ماده سنده افاده ایتشد .

حجز اولان نقد ، اوراق نقدیه ، حامله محرر سندلر ، قامیو اوراق ، جیروسی قابل سائر سندات ، آلتون و کوش و سائر قیمتلی اشیا اجرا دائره سنده صاقلانیر « بوندن بشقه ماللر ایستلدیکی آنده اعاده و تسلیم شرطیله بورجلییه ویا اوچنجی شخصه تودیع اولونور » . حجز مأموری فائده و لزومی کوردیکی ویا آلاجه قلی کندی حقوقنی محافظه ایچون بوتدیرک لزومی حقنده قبوله شایان دلیل کوستردیکی حالده بو قیل اشیا ده اجرا دائره سنده حفظ ایدیلر بیلیر ، صائیلما دینی حالده مرتنه اعاده ایدیلیر . ( ماده 98 ) زده ده بو حکملر همان عیناً موجوددر . اسویچرده تودیعات بانقه لری فضلّه تقودی حفظ ایدر . بزم ایش بانقه سی شعبه لری ده اجرا تقودی حقنده حفظ وظیفه سنی کورمکده در . بروقت استانبولده و دیگر بیوک شهرلرده اجرا دائره سنه مربوط صائیش دائره لری تأسیسی ، بالعموم محجوز منقولاتک بورایه تقلیله حفظی ، شهیری و صائیشی دوشونولمش و بوبابده برده تعلیماتنه یا پلمش ایدی .

حجز بورجلینک جیرو طریقله دوری قابل اولیان ویا حامله محرر بولونمیان سنداته مربوط آلاجه ویا حقوقه تعلق ایتش ایه اجرا مأموری اوچنجی شخصه تأدیاتک اجرا دائره سنه یا پلمشی تبلیغ ایدر .

اجرا دائره سی ، حجز ایدلمش اولان حقلری محافظه و وعده سی کلش آلاجه قلی تحصیل ایلر . محصولاتک طوبلانسنه عائد تدبیرلری یاپار . بورجلینک بشقه واردات و مدار معیشتی یوقسه کندیسنک و عائله سنک اعاشه سنه کافی مقدارینی تفریق ایدر . حاجز محجوز ماللرک محافظه سی ایچون ایجاب ایدن مصرفی علی الحساب صورتیله تأدییه مجبوردر . ( ماده 99 ، 100 ، 103 )



بوزنجی ماده‌نك اجرا دائره‌سنى محافظه ايله مكلف قیلدینی حقار؛ انتفاع حقاری، هنوز تقسیم ایدلمه‌نش اولان حصه شایعه‌لر، شرکت اموالنده‌کی حصه‌لر کی شیلردر. هنوز تقسیم ایدلمه‌نش برترکه حجز ایدلمش و آلاجلدی ده مصرفی ویرمشیسه اجرا مأموری میرانك تقسیمنده حاضر بولونور. آلاجلینك حصه‌سنه دوشن مقداری تسلیم و حفظ ایدر. حجز ایدلمش اولان قامیودن دولایی محافظه حقوق ضمیمه‌ایجاب ایدن شیلیری یاقمق، محجوز چکی مدتی ظرفنده تأدیه ایچون ابراز ایتك، افلاس ماصه‌سنه، قونقور-داتویه داخل اولمق و دفتر مطلوبانه دخول ایچون مقتضاسنه توسل ایتك اجرا مأمورینك وظائفندردر. آنجق حجز ایدلمش اولان آلاجلق حقدنه تعقیبات وظیفه‌سی مطلق دکلدر. تعقیب ایدلمدیکی حالده مرور زمانه اوغرایه‌جق آلاجلق ایچون مرور زمانی قطع ایده‌جك تدایره توسل کی خصوصلردن عبارتدر. یوقسه اجرا مأمورینه حجز ایدلمش اولان حقوقی محکمه حضورنده دعوی و تعقیب مکلفیتی تحمیل ایدلمه‌مشدر. اجرا مأمورینك بو بایده‌کی وظیفه‌سی (۹۶ و ۹۸) نجی ماده‌لرله مقیددر.

انتفاع حقنك، تقسیم اولنمیش برترکه و یا شرکت و یاخود جمعیتده‌کی حصه‌نك هجری حالنده اجرا مأموری کیفیتی علاقه‌دارلره تبلیغ ایدر.

قانون مدنینك (۷۱۷) نجی ماده‌سنده ذکر ایدلمدیکی اوزره منقول و غیر منقول ماللر ايله حقار و برمالك اوزرینه تأسیس اولنه‌یلن انتفاع حق، (فراغی قابل اولان و اولیان) دییه ایکی‌یه آیریلیر. قابل دور و فراغ اولیان انتفاع حق ذاته مخصوص اولاندردر. بو حق اجراء دخی حجز و فروخت ایدیله‌مز. قانون مذکورك (۷۳۰) (اسویچره ماده ۷۵۸) نجی ماده‌سنك، ذاته مخصوص اولیان انتفاع حقنك بشقه‌سنه فراغ ایدیله‌بیله‌جكنه دائر حکمندن بو جهتی آکلامقده‌ز. فراغی و بنساء‌علیه هجری جائز اولان انتفاع حقنك صایتشی مالکك حقارینی طوغریدن طوغری‌یه مفروغ لیه قارشى قوللانمسی نتیجه‌سنى حصوله کتیرر.

ترکه وسائر اشتراك حالنده تصرف ایدیلن ماللر اوزرنده حق صاحب‌لردن برینك شخصی آلاجلیلیری بورجلی شریک‌لرک بو ماللردن هر بری اوزرنده‌کی حصه‌لرینی آیری آیری حجز ایده‌میوب هیئت عمومیه‌سنى حجز ایدرک مذکور قانونك (۵۸۸) نجی ماده‌سی موجبجه تصفیه طلب ایتمسی ایجاب ایدر.

اشبو ماده ده بر میراثچی به دوشن حصه یی جز ایدن و یا خود او میراثچی علیه بورجی اوده مکدن عجزه دأر اجرا وثیقه سی استحصال ایلین آلاچقلی میراثچی برینه قائم اوله رق تقسیمه اشتراکنی حاکمکن ایسته به یله جکی مصر حدر . قانون مدنی زک بو وامثالی حکملری فده رال اجرا قانونی حکملریله مناظر اولدیغندن قانونلریمز سه ریسنک اکیانده اجرا قانونمزدده عینی منبعدن آلمسی لزومی بونکله ده قظاهر ایدر . جنز مأموری حجزی مبین بر ضبط ورقه سی تنظیم ایدر . بو ورقه به آلاچقلیله بورجلیک اسملری ، آلاچق مقداری ، حجزک یا بلدیغنی کون وساعت ، محجوز ماللرک تقدیر ایدیلن قیمتی و اوچنجی شخصلرک ادعاری ، حجز اولنان ماللر اولجه احتیاطی حجز ایدلمش ایسه اشبو حاجزلرک حقوقی ، حجز اولنان مالک قیمتی آلاچغه کافی اولماز و یا قابل حجز بر مال بولونماز سه بو جهت قید ایدیلیر (ماده ۱۱۲) .

اوچنجی شخصلرک ادعاری اکثرأ اموال محجوزه حقنده استحقاق ادعای شکلنده تبارز ایدر . اجرا قانونمزد بورجلی نزدنده کی اشیا حقنده وضع یدینی اشیا مذکوره به تملکی حقنده حجزه کافی بر حجت تشکیل ایده جکی و بورجلی و یا اوچنجی شخص طرفندن اشبو اشیا ناک حجزدن استثنای حقنده درمیان اوله جق بالجمله اعتراض بر محکمه دن بو بایده ویرلمش حکم و قرار و یا خود تأخیر اجرا علم و خبری ابراز اولند قجه حجزک اجرایی تأخیر سبب اولامیه جغنی تصریح ایتمش و محجوز ماللر ایچون سبق ایدن استحقاق ادعاری حقنده اجرا رئیسنه حق تقدیر ویرمشد . ( ۵۴ الی ۵۷ ) نجی ماده لر بو اساسک متفرع حکملرینی میندر . قانون مدنی موجبنه ( ماده ۸۹۸ ) منقول بر شیک ذی الیدی اولنک مالکی عد اولونور . خلاصه ذی الیدلک ملکیتک قرینه سی اولوب خلافی مدعیاتک استناد ایلدیکی دلائل و یا محلاً یا بیلاچق تحقیقات نتیجه سنه کوره اجرا رئیس مسئله نی تقدیر ایدر . قانون مدینک اشبو حکمی اجرا قانونمزد حکملریله تخالف ایتمز .

بو اساس اسویچره قانوننده ده عیناً موجوددر . فقط بزده کی اجرا رئیسک تقدیری برینه بشقه بر شکل کوسترمشد .

بورجلی واضع الید اولدیغنی مالک اوچنجی بر شخصک مالی و یا رهنی اولدیغنی درمیان ایلر و یا اوچنجی بر شخص بو مال اوزرنده استحقاق و یا رهن ادعا سنده بولنور سه اجرا دائره سی بو بایده دیه جکلرینی بیان ایچون آلاچقلی و بورجلی به اون کون مهل

ویرر. بونلر مهل ظرفنده سکوت ایدرلرسه استحقاق ادعاسنی قبول ایتمش عد اولونورلر (ماده ۱۰۶).

رهن مدعیانده ایکی جهت واردر: بر مالک، مرتهن صفتیله ویا مبیعک ثمنی اعطا شرطنه معلق اوله رق بورجلی یدنده بولونمسی.

بشقه سینه عائد مال بورجلی یدنده مختلف اسبابه بناء بولنه بیلیر. ذی الیدلک ملکیتک قرینه سی ایسه ده خلافی بالطبع قابل ثبوتدر. بو قیل مدعیات محکمه ده اثبات اولونور. قانونمژک اجرا ریسنه ویردیکی تقدیر حق بو ادعالر اوزرینه دوام ویا تأخیر اجراه قرار ورمکه معطوفدر. اسویچره ده بو جهت طرفله یایله جق تبلیغاتله تأمین ایدلمش دیمکدر. انجق برکونا قرینه ارائه سی مجبوری اولمادیغندن مذکور اون کون مهل ایله آتیا کوره جکمز وجهله دعوی اقامه سی ایچون ویریه جک ایکنجی اون کون که جمعاً یکر می کون اجرا بالطبع تأخر ایده جکندن حسن نیت صاحبی اولمسانلرک ولو موقت بر مدت ایچون اجرایی تأخیره توسللری احتمالی وارد خاطر اولور. حالبوکه بواحتماله قارشی سوء نیت اصحابنه تحمیل اولنه جق تضمینات اساسی اولمغله برابر حیز تاریخندن اعتباراً بر آی کچمکسزین منقول ماللرک صایتشی طلب اولنمه یه جفته کوره بواحتمال محذوری کورولمه مشدر. آلاجلقی ویا بورجلی استحقاق ادعاسنی قبول ایتمز لرسه اجرا دائره سی دعوی اقامه سی

ایچون اوچنجی شخصه اون کون مهل ویرر. استحقاق دعواسی اقامه اولنان حاکم منازع فیه تعلق ایدن نقطه ده اجرایی تأخیر ایدر دعوی ائساننده ۱۱۶ نجی ماده ده معین مدتلر جریان ایتمز. ویریلن اون کون مهل ظرفنده اوچنجی شخص دعوی اقامه ایتمزسه ادعاسندن واز کچمش عد اولونور. اوچنجی شخص کندیسنه یازلدیفی وجهله تبلیغات یالماز ایسه محجوزی ویا بدلنی توزیعات زمانه قدر دعوی ایده بیلیر.

قوجهیه قارشی یاپیلان حیزده بالذات قاری شخصی ماللری اوزرنده حقنی استعمال ایده بیلیر. قانون مدینک (۱۶۸ بزم ۱۶۱) ماده سنک ایکنجی فقره سی حکمی تطبیق ایدلر (ماده ۱۰۱).

(۱۱۶) نجی ماده ده معین مدتلر منقول ماللرله آلاجلقلرک حیزندن صوکره الک آز برآی والک چوق برسنه وغیر منقول ماللرک حیزی تاریخندن اعتباراً الک آز آلتی آی والک چوق ایکی سنه درکه آلاجلقی انجق بومدتلر ظرفنده صایتش طلب ایده بیلیر.

حجز تاریخندن اعتباراً بر آي کچمڊکجه منقول بر مالک و آلتی آی مرور ایتمڊکجه غیر منقول صایتشک طلب ایدله مسی بورجلی به وجیهه سنی یا بمق ایچون بر نوع مهل اعطاسی دیمکدرکه بالخاصه غیر منقول صایتشده آلاجلیلرک آلتی آی انتظار مجبوری تأمله شایاندر . موسیو ( آ . بروستلین ) اثرنده آشاغیده کی مطالعه بی درمیان ایدیور :

منقول و غیر منقوللر آره سنده کی مهل فرقی غیر منقوللرک اقتصادی اهمیتلرندن منبعثدر . لندن منقول مالی چیقان بورجلی ده ا یسینی الله ایدیهیلیر . فقط لندن طورانی آلتان چیقنچی کونده لکچی وضعیتنی آلیر و طورانی بر ده ا الله کچیره مز . جبری صایتشلرده استعجالی بر طرف ایتک ایچون مهلک تمیدی محقدر . بونکله بورجلی طور اعدندن ا ی بر حاصلات آله رق کندینی مشکل وضعیتدن قورتارا بیلیر . غیر منقول صاحبی بورجلیلره مهل و یرمک ، چالیشمسی ، ا ی حاصلات ادرا کنی و آلاجلیلرک ده قولایملقله استحصال حقنی موجب اولور . اسکی قاتون قانونلرنده غیر منقول بورجلیلر لهنه ده ا زیاده تأمیناته مربوطدی . فده رال قانونی اعتبار و مساوات نقطه نظرندن بونلری بر درجه قالدیر مشدر . قانونک اسباب موجبیه سنی تشکیل ایدن مؤلفک بومطالعه سی سرمایه نقطه سندن آیریمجه تدقیق اولونملیدر .

حجز ایداش اولان اشیایه بورجلی واضع الید اولمایوبده اوچنچی ذی الید اولور و بوده اشیایه حقه ده استحقاق و یا رهن ادعا سنده بولنور سه اجرا دائره سی دعوی اقامه ایتسی ایچون آلاجللی به اون کون مهل و یرر . آلاجللی بومدت ظرفنده دعوی اقامه ایتزسه اوچنچی شخصک حقوقنی طائیش عد اولونور . ( ماده 109 )

بزده اوچنچی شخص یدنده کی ماللراوشخصه حجز نامه تبلیغی صورتیله حجز و اعتراضی حالنده آلاجللی محکمه به سوق ایدیلیر . بو حکم اسو بجره قانونه مشاهددر . فقط بزده دعوی اقامه سی ایچون اون کونلک اسقاطی مرور زمان یوقدر .

غیر منقولک حجزی ، صایتلامامسنی انتاج ایدر . حجز آلاجلق مقدار یله برابر طا بو مأمورینه تبلیغ ایدیلیر . بشقوله رینک اشتراکی و حجزک فکی حالنده ده ینه طا بو به تبلیغات باپیلیر . تاریخ حجزدن اعتباراً ایکی سه ظرفنده صایتلامایان غیر منقول اوزرینه موضوع حجز کان لم یکن اولور . ( ماده 101 )

هجز ، غير منقول رهني ايله تأمين ايدلمس آلاچقيلرك حقوقى محفوظ قالق شرطيله  
غير منقولك ثمره لرينه وديكر حق لرينه ده شامل اولور . اجرا دائره سي هجزى مهتم لره ،  
مستأجر لره تبليغ وغير منقولك زراعتنه واداره سنه عائد تدبير لرى اتخاذايدر . ( ماده 102 )  
قانونمز ، حاصلات و منافع آريجه هجز ايدلمز سه مجرد غير منقولك هجزينك بونلره  
شمولنى تصريح ائتمه مشدر . بو اعتبارله اسويچره قانونيله فرق كوستر .

زده هجزى جائز اولميان شيلر اوتقه دنبرى اصول حقوقيه قانونمزله معيندر . مختلف  
قانون و نظام لره ده مترك حكملر كورولور . اسويچره ده ايسه هجزدن مستثنا اولانلر  
فده رال قانوننده مصر حدر . اجرا قانونمذك هجزدن مصون اشيا حقنده اصول حقوقيه  
عطفى نظره آلنه رق حقوق اصول محاكمه قانونمزه ده عيى صورته حركت ايدلمشدر .  
بو بابه فده رال قانونندن ده استفاده ايدلمشدر . شو حالحه اجرا لايحه سننده فده رال  
قانوننك ( 92 ، 93 ، 94 ) نجى ماده لر ينك نقله محل قالمامشدر . قانونمزله مقايسه يه مدار  
اولق اوزره مذكور ماده لر حكملر نندن مجملأ ذكر ايتكى مناسب كوردېكم بوماده لره  
كوره هجزى جائز اولميان شيلر شونلردر :

1 — شخصى اليسه لر ، چاشيرلر ، بورجلى يه وعائله سنه مقتضى يتاق ولوازم عبادتن  
اولان اشيا وكتابلر .

2 — بورجلى يه وعائله سنه بك لزوملى مطبخ طاقلىرى و اودا اشيا سى .

3 — اجراى صنعت ايچون بورجلى يه وعائله سنه مقتضى آلات وادوات كتابلر .

4 — بورجلى ينك وعائله سنك معيشتلرينه لزوم شرطيله بورجلى ينك ترجيحه كوره بر

سوتلى اينك ، اوچ كچى ويا قويون وبونلرك بر آيلىق يمى واوتى ،

5 — بورجلى وعائله سى ايچون ايكى آيلىق ارزاق ومحروقات .

6 — عسكرلرك اليسه وسلاحلرى ، تجهيزاتى ، آت وتعيينلرى .

7 — بورجلر قانوننك ( 519 ) نجى ماده سييله هجزدن مصون عد ايديلن ايرادلر .

8 — اردوده وبوليسده معلول وطنداشيلرك آيلىقلىرى ايله بو خدمتلردن برنده

حياتلرينى غائب ايدنلرك عائله لرينه وبريلان معاشلر .

9 — بر قاصه ويا معاونت جمعيتى طرفندن خسته لق ويا فقر وضرورت ووفات حالنده

تخصيص اولنان آيلىقلىر .

10 — وجودی خساره و یا صحتی تهلكه يه دوچار اولان شخصه و یا عائله سنه ضرر و زیان اوله رق و یریلن و ویريله جك اولان ایلق و یا سرمایه .

اجرا مأموری طرفندن بورجلی یه و یا عائله سنه لازم مقداری تنزیل ایدلک اوزره یومیه ، معاش و سرمایه دن یاسیغورطه قاصه سندن معطی ایراد ، انتفاع حق و بونلرک ایرادی ، نفقه و تقاعد معاشری حجز اولنه بیلیر .

چایر محصولاتی ( 1 نیساندن ) ، ترالرنکی ( 1 حزیراندن ) و باغ حاصلاتی ایسه ( 20 ) آغستوسدن اول حجز ایديله مز . آنجق بو مدت انساننده بورجلینک یاپدینی تملیکی تصرفلر آلاجلق حقنده معتبر دکلدر .

محصولات کنديسه مرهون اولان آلاجلقینک رهنک صائلی حقنده یاپاجنی طلب و تعقیبات اوزرینه مذکور مدتلردن اولده محصولات حجز اولنه بیلیر .

استانبول اجرا ریئسی حاکم اوغلی

اصم رفیعی

## اجنبی محکمه لری اعلاملرینک تورکیاده اجرایی

حقوق دول مجموعه سنک [ 1 ] 1928 مارت - نیسان نسخه سنده اجنبی محکمه لرندن صادر اولان اعلاملرک تورکیاده نه صورته تنفیذ ایديله جکته دأر « مه ترساله م » طرفندن یازیش بر مقاله انتشار ایتشدرکه ، بر معتاد یک شمولی بر مطالعه محصولی اولان بومقاله یی قارئلر مزکده نظر تدقیقه بولوندورمه بیلمه لرینی تأمیناً نقل ایدیورز :

I . — تورکیا جمهوریتی حکومتی تشرین اول 1927 تاریخندن اعتباراً مرعی بولونمقده اولان یکی بر « حقوق اصول محاکمه لری قانونی » نشر ایتشدرد . بوقانون اساس اعتباريله اُسویچره جمهوریتک نوشته ل قانتونی قانونندن اقتباس اولونمش و ایچنده « اجنبی محکمه لرندن و یریلن اعلاملرک صورت تنفیذی » عنوانی آلتنده باشلی باشنه بر فصلی محتوی بولونمشدر .

اجنبی محکمه لری حکملرینک تورکیاده صورت اجراسنه دأر ذاتاً 11 نیسان 918